

ՀԱՅԵՐԸ ՀՈԼԱՆԴԻԱՅՈՒՄ

Հայ-հոլանդական հարաբերությունների արմատները հասնում են մինչև չորրորդ դար, երբ Նիդերլանդներ է գալիս ծագումով հայ հոգևորական Սուրբ Սերվատիոսը (ըստ որոշ աղբյուրների նրա անունը Սրբատիոս-Սերովել է, իսկ հոլանդերեն նրան կոչում են նաև Սինտ Սերվատ): Լատինական գրավոր աղբյուրներից հայտնի է, որ նա եղել է Նիդերլանդների առաջին եպիսկոպոսը և վախճանվել է 384 թ. Նիդերլանդներում: Նրա մատունքները պահպում են Մաստրիխսի նշանավոր Սինտ Սերվատսկերկ եկեղեցում:

Հոլանդացիների և հայերի կապերը նոր ձև են ստանում Խաչակրաց արշավանքների ժամանակ: Կիլիկիայի թագավորության անկումից հետո աճում է հայերի հոսքը դեպի Եվրոպական երկրներ, այդ թվում նաև Նիդերլանդներ: Այդ ժամանակներից մեզ են հասել որոշ գրառումներ: Գ. Արգարյանը նշում է, որ Ամեստերդամ այցելած հայ վաճառականների մասին տեղեկություններ են գրանցվել 1560-65 թթ.: Շահ Աբրասի արշավանքներից և բռնագաղթից հետո, 17-րդ դարի առաջին կեսերին Նիդերլանդներ են գաղթում փոքր թվով ջուղայեցիներ: Ո. Բեկիուսը, որն ուսումնասիրել է այդ ժամանակաշրջանի նոտարական արձանագրությունները, եկել է այն եզրակացության թե առաջին հայերը Նիդերլանդներ են եկել շուրջ 1627 թ.: 1650 թ. հետո հաճախակի են հիշատակվում հայկական անուններ: Այդ ժամանակաշրջանի հայերի վերջին ներկայացուցիչը համարվում է Յոհաննես դի Արությանը (Հովհաննես Հարությունյան), որը ծնվել է Ամստերդամում 1774 թ. և վախճանվել այնտեղ՝ 1845 թ.: 1660-ական թ. Ամստերդամում բնակվել են 66 հայեր, իսկ 1715 թ.՝ 71: Այդ ժամանակաշրջանի արձանագրություններում կան ընդհանուր թվով 800 հայկական անուն:

17-18-րդ դարերի Ամստերդամի հայկական համայնքի ամենամեծ ծառայությունը հայ մշակույթին եղել է 18 անուն հայերեն գրքերի հրատարակումը: 1660-1718 թթ. այստեղ գործել է հայկական տպարան, որի հիմնադիրն է եղել Մատթեոս Շարեցին: Ամստերդամում հրատարակված առաջին հայերեն գիրքը Ներսես Շնորհալու «Յիսոս որդի» գործն է, որի տպագրությունը ավարտվել է 1661 թ. Մատթեոս Շարեցու մահից հետո: 1664 թ. Էջմիածնի հանձնարարությամբ Նոր Ջուղայից Ամստերդամ է գալիս հայ մշակույթի ականավոր գործիչ Ուսկան Երևանցին, որը ստանձնում է տպարանի աշխատանքները: Նրա անխոնջ աշխատանքով 1666-1669 թթ. հրատարակում են 16 անուն գիրք, որոնց մեջ իր ուրույն տեղն ունի Աստվածաշնչի առաջին հայերեն տպագրությունը 1666 թ.: Այնուհետև Ամստերդամում հայ տպագրության գործով են գրադիտել Մատթեոս, Ղուկաս և Թոմաս Վանանդեցիները, որոնք 1695 թ. հրատարակել են Մովսես Խորենացու «Պատմութիւն Հայոց» երկը և «Համատարած աշխարհացոյց» քարտեզը:

18-րդ դարում Ամստերդամում աշխատել է հայոց Սուրբ Հոգի եկեղեցին, որի շենքը կառուցվել է 1714 թ. հոլանդական ոճով և պահպանվում է առ այսօր:

Ամստերդամի հայկական գաղութի անկումից հետո, մինչև 20-րդ դարի երկրորդ կեսերը Նիդերլանդներում մեծ թվով հայեր չեն բնակվել: Նրանք եղել են հիմնականում ինդոնեզիայի վաճառականներ, որոնք խառն ամուսնության պատճառով ունեցել են իրենց երկրորդ բնակվայրը Նիդերլանդներում:

Համիլյան ջարդերի և Սեծ Եղեռնի հետևանքով արևմտահայերի մի մասը ապաստան է գտել Նիդերլանդներում, սակայն այդ հայերից շատերը թողել են Նիդերլանդները և հաստատվել այլ երկրներում: Հոլանդական մամուլը և հասարակական կարծիքը խիստ դատապարտել է 1895-96 թթ. հայկական կոտորածները, իսկ 1899 թ. Ամստերդամում, հակառակ հոլանդական իշխանությունների հարուցած խոշնդրությունների, հրատարակվել է Մինաս Չերազի «Խաղաղու-

թյան համաժողովը և հայոց կոտորածը» աշխատությունը: Առաջին աշխարհամարտից անմիջապես հետո Նիդերլանդներում իիմնվել է «հայ փախստականների օգնության հոլանդական հանձնախումբ», որի մեջ տեղ են գրավել հոլանդացի պետական և հասարակական ականավոր գործիչներ: Այդուհանդերձ Նիդերլանդների իշխանությունները վարել են քրքասեր քաղաքականություն և պաշտոնապես չեն դատապարտել հայերի նկատմամբ կիրառված քուրքական բռնությունները և հակված չեն ճանաչելու հայոց ցեղասպանությունը: Այդ կեցվածքը նորից ի հայտ եկավ 2000-2001 թթ. հայոց ցեղասպանությանը նվիրված հուշարձի կանգնեցման դիմումի քննարկման ընթացքում: Այդ հուշարձը, որ տեղադրվեց 2001 թ. ապրիլի 24-ին Ասենի գերեզմանատանը բարդ ընթացակարգի միջով անցնելուց հետո, նիդերլանդական իշխանությունների պահանջով հարկադրաբար կրում է՝ 1910-1920 թթ. վախճանված հայոց նախորդների հիշատակին արձանագրությունը:

Երկրորդ աշխարհամարտի տարիներին գերմանական զինված ուժերը հայ ռազմագերիներից կազմված 812-րդ գումար տեղակայել էին Նիդերլանդների Սխառվեն-Դոյվելանդ կղզում: Նրանց դերը ծովեգրյա զինված ուժերին մատակարարություն հասցնելն էր: Հայեր էին տեղադրված նաև Զեուվական այլ կղզիներում: Հայտնի է, որ այդ հայերից շատերը համագործակցել են հոլանդական ընդհատակյա շարժման հետ և որոնցից 7-ը դաշնակիցներին միանալու անհաջող փորձից հետո գնդակահարվել են գերմանացիների կողմից Միլդելհարմիսում՝ 1944 թ. դեկտեմբերի 9-ին: Անհայտ է թե որտեղ են հաստատվել այդ գումարի այլ հայ զինվորները Նիդերլանդների ազատագրումից հետո, սակայն նրանց երեխանները մնացել են Նիդերլանդներում իրենց հոլանդացի նոր նոտ:

1940-ական թվականների վերջերից Նիդերլանդների հայ համայնքը համալրվել է տարբեր երկներից արտագաղթած հայերով:

1940-ական թվականների վերջերին, Նիդերլանդների գաղութային լծից Ինդոնեզիայի անկախացումից հետո, այնտեղ բնակվող հայերի մի մասը հաստատվեց Նիդերլանդներում: Ուժենալով հոլանդական դաստիարակություն այդ հայերը կարողացան արագ համակերպվել նոր միջավայրի հետ և նրանց փորձերը հայկական ազգային մշակութային օջախներ հիմնելու ուղղությամբ չհասան ցանկալի արդյունքների:

1950-ական թվականների կեսերին Նիդերլանդների կառավարությունը Նիդերլանդներ է հրավիրել է նաև նաև անձնագրով Հունաստանում ապաստանած մի քանի արևմտահայ ընտանիք և նրանց բնակեցրել Ամերսֆորտ քաղաքում:

1960-ական թվականներին, որպես ժամանակավոր աշխատավորներ, Նիդերլանդներ են եկել փոքր հայեր Թուրքիայից և Իրանից: Նրանցից շատերը հետազայում հաստատվել են Նիդերլանդներում: 1970-ական թթ. կեսերից սկսած նրանց են միացել իրենց գերդաստանի անդամները, որոնք և կազմում են ժամանակակից հոլանդահայության զգակի մասը և եկել են զլսավորապես Դիարբեքիրից, Շիրմակից, Յոզգատից և արևելյան Թուրքիայի այլ քաղաքներից: Նրանցից մի մասը հաստատվել է Ամստերդամում և Ամստերդամի արվարձան Դիմենում, իսկ մյուս մասը՝ Ալմելոյում:

1960-ական թվականներից հետո Միջին Արևելքի տարբեր երկրներում և Հայաստանում տեղի ունեցած քաղաքական փոփոխությունների, տնտեսական դժվարությունների և պատերազմների հետևանքով Նիդերլանդներում ապաստան են գտել հայ փախստականներ Թուրքիայից, Լիբանանից, Իրանից, Իրաքից, Սիրիայից և վերջին տարիներին Հայաստանից:

Հայերը Նիդերլանդներում հիմնականում կենտրոնացած են Ամստերդամում, Ալմելոյում և Ամերսֆորտում: Ավելի քիչ թվով հայ ընտանիքներ են բնակվում երկրի այլ քաղաքներում՝ Հայազայում, Գորոբեկստում, Լեյդենում, Ռոտերդամում, Ասենում և այլուր:

Նիդերլանդներում բնակվող հայերի թվի նասխն ստույգ տվյալներ չկան: Հայկական հաստատությունների մոտ գոյություն ունեցող հասցեների հիման վրա կարելի է ասել, որ 1970-ական թթ. վերջներին Նիդերլանդներում բնակվում էր շուրջ 3000 հայ, 1990-ական թթ. սկզբին շուրջ 4000 հայ, իսկ 2000 թ. շուրջ 7000 հայ:

Նիդերլանդներում բնակվող հայերը պատկանում են միջին և բարձր դասին: Հին և նոր ձեռնարկատերներից և վաճառականներից բացի այստեղ եղել են և կան արհեստավորներ, մտավորականներ, ինժիներներ, ճարտարապետներ, քմիջկներ, իրավաբաններ, բարձրագույն դպրոցի դասախոսներ, բարձրաստիճան պաշտոնյաններ, արվեստի ու գիտության գործիչներ:

ԱԶԳԱՅԻՆ ՀԱՍՄԱԿԱՎԱՐ ԿԱԶՄԱԿԵՐՊՈՒԹՅՈՒՆՆԵՐ

Նիդերլանդներում գոյություն չունի հայ համայնքը միավորող կենտրոնական մարմին: Հայկական մշակութային, կրոնական և կրթական միջոցառումներ կազմակերպում են զանազան քաղաքներում գործող մշակութային, հասարակական և կրոնական միությունները և հաստատությունները:

Նոր ժամանակների հոլանդահայ առաջին կազմակերպությունը ստեղծվել է 1960-ական թթ. սկզբին և կրել է Հոլանդահայերի ընկերակցություն (Armenisch Genootschap in Nederland) անունը: Այդ ընկերակցությունն, որ իր մեջ է ընդգրկվել ամբողջ հոլանդահայ գաղութը, կազմակերպել է մշակութային, հասարակական միջոցառումներ, եկեղեցական արարողություններ, ունեցել է իր երգչախոմքը և պարբերաթերթը: Այդ ընկերակցության աշխատանքները դադարել են 1960-ական թթ. վերջներին: Միևնույն ժամանակ՝ 1969 թ. Ամերսֆորտում հիմնվել է «Ամերսֆորտի Հայ օժանդակ միությունը», որը 1972 թ. պաշտոնապես գրանցվել է պետության մոտ և 1975 թ. Ամերսֆորտի քաղաքապետարանից ստացել է իր սեփական շենքը, որն այժմ շահագործում է այդ միության ժառանգորտ՝ Ամերսֆորտի «Հոլանդահայ միությունը» (1978 թ.): Այդ շենքը կարելի է համարել արդի հոլանդահայ գաղութի առաջին մշակութային օջախը: Այնուհետև հիմնվել են հետևյալ հայկական կազմակերպությունները՝ «Ամերսֆորտի հայ երիտասարդաց կենտրոն» (1974 թ.), «Հոլանդահայ միություն - Ամստերդամ» (1975 թ.), «Ալմելյահայ միություն - Ալմելո» (1978 թ.), «Հոլանդահայ երիտասարդաց միություն - Ալմելո» (1970 թ.), որը հետագայում վերանվանվել է «Երևան մշակութային հաստատություն - Ալմելո», «Արարատ ընկերային մշակութային հաստատություն - Ամստերդամ» (1979 թ.), «Հոլանդահայ Արովյան մշակութային միություն - Հաագա» (1984 թ.), «Հոլանդահայ դեմոկրատական խմբակցություն - Հաագա» (1987 թ.), «Անի հայ մշակույթի տուն - Դորդեխտ» (1988 թ.), «Սասուն մշակութային միություն - Ռոտերդամ» (1992 թ.), «Հայկական կլոր սեղան» (1993 թ.), «Մասիս մշակութային միություն - Ասեն» (1997): Վերջին 5 տարվա ընթացքում հիմնվել են ՀՅԴ-ի կողմից դեկավարվող ակումբների մասնաճյուղեր՝ Հոմերմեն, Հայ դատի հանձնախումբ, Հայ տուն և այլն: Ամերսֆորտի Հոլանդահայ միությունից բացի իրենց սեփական ակումբն ունեն՝ Երևան մշակութային հաստատությունը Ալմելյում, Արարատ մշակութային հաստատությունը Ամստերդամում, Հոլանդահայ Արովյան մշակութային միությունը Հաագայում: 1988 թ. Հայաստանում տեղի ունեցած ահավոր երկրաշարժից և դրան հաջորդող Հայաստանի տնտեսական շրջափակման տարիներին Նիդերլանդներում կազմվել են աղետի գոտուն օգնության կոմիտե, Օգնություն Հայաստանին հաստատություն, Համահայկական հիմնադրամի Նիդերլանդների մասնաճյուղ:

ԵԿԵՂԵՑԻ

16-18-րդ դդ. Նիդերլանդների հայ համայնքն ունեցել է իր հոգևոր հովիվը, իսկ 1714 թ. Ամստերդամում կառուցվել է Սուրբ Հոգի հայ առաքելական եկեղեցին: Ամստերդամի հայ համայնքի

Վերացման պատճառով 1874 թ. եկեղեցու շենքը աճուրդով վաճառվել է օգստինյան կույսերի միաբանությանը: Մինչև 1985 թ. եկեղեցու շենքը ծառայել է որպես կարողիկական տարրական դպրոց: 1986 թ. այդ շենքը վերագննվել է հոլանդահայ համայնքի կողմից և հարկավոր վերանորոգումից հետո 1989 թ. օծվել որպես հայ առաքելական եկեղեցի: 1991 թ. Ալմելոյի հայ համայնքը գնել է նախկին դպրոցի մի շենք, որը 1993 թ. օծվել է որպես հայ առաքելական եկեղեցի և կրում է Սուրբ Գրիգոր Լուսավորիչ անունը: 2001 թ. Ամստերդամում և Ալմելոյում գործում են Ս. Հոգի և Ս. Գրիգոր Լուսավորիչ հայ առաքելական եկեղեցիները, որոնք պատկանում են Ս. Էջմիածնի թեմին: Հոլանդահայ գաղութն ունի իր հոգևոր հովիպը: Մինչև 1989 թ. Նիդերլանդների տարրեր հայաշատ քաղաքներում գործել են եկեղեցական խորհուրդներ, որոնք պարբերաբար կազմակերպել են եկեղեցական արարողություններ և այլ տոնական միջոցառումներ:

ԴՊՐՈՑ

Նիդերլանդներում չկան հայկական դպրոցներ: Հայոց լեզվի կիրակնօրյա դասընթացներ են կազմակերպում տարրեր քաղաքներում գործող հայկական մշակութային, հասարակական և կրոնական կազմակերպությունները: Բացի այդ, հոլանդական տարրական դպրոցներում հայ երեխանները կարող են ստանալ մայրենի լեզվի դասեր, եթե նրանք որոշակի թիվ են կազմում տվյալ դպրոցում: Այդպիսի դպրոցներ կան Ալմելոյում միայն:

Լեյդենի համալսարանն ունի հայագիտական ամբիոն:

ՍԱՍՈՒ ԵՎ ՀՐԱՏԱՐԱԿՈՒԹՅՈՒՆՆԵՐ

Արդի հոլանդահայ գաղութի կազմավորման առաջին խոկ փուլում հայտնվել են միութենական կամ առանձին թերթեր: 1962-67 թթ. պարբերաբար լույս է տեսել Հոլանդահայերի լմկերակցության բյուլիտենը հոլանդերենով: 1975 թ. Հոլանդահայ միությունը հրատարակել է «Տեղեկագիր» հայերենով և հոլանդերենով: 1978-79 թթ. Հաագայում հրատարակվել է «Դեպի Հայրենիք» ամսաթերթը հայերեն, հոլանդերեն և թուրքերեն լեզուներով, իսկ 1979-81 թթ. Ալմելոյում լույս է տեսել «Պայքար» ամսագիրը հայերենով և հոլանդերենով: 1984 թվականից Հոլանդահայ Արովյան մշակութային միությունը հայերենով և հոլանդերենով հրատարակել է «Քնար» ամսաթերթը (1984-88 թթ.), «Պարապ վախտի խաղալիք» ամսաթերթը (1995-1998), «Լուրեր» միութենական թերթը (2000 թվականից): 1980-90-ական թվականներին որոշ ժամանակահատվածում պարբերաբեր են հրատարակել՝ Հայ դեմոկրատական խմբակցությունը («Տեղեկատու», հայերեն-հոլանդերեն-անգլերեն), Արարատ լմկերային մշակութային հաստատությունը («Տեղեկագիր», «Լուրեր Հայրենիքեն», հայերեն-հոլանդերեն), Ամերսֆորտի հոլանդահայ միությունը («Լարեր», հայերեն-հոլանդերեն), Ասենի հայկական միությունը («Բարի Ձեզ», հայերեն), Ռոտերդամի Սասում մշակութային միությունը («Լարեր», հայերեն), Դոդրեխտի Աճի մշակույթի տունը («Աճի», հայերեն-հոլանդերեն), Ամստերդամի հայ առաքելական եկեղեցու հաստատությունը («Տաճար», հայերեն): Բացի այդ 1990-ական թթ. հրատարակվել են Հայաստան համահայկական իիմնադրամի հոլանդական մասնաճյուղի պաշտոնաթերթը «Հիմնադրամ» պարբերաբեր հայերենով և հոլանդերենով, ինչպես նաև Օգնություն Հայաստանին հաստատության պաշտոնաթերթը «Հայաստան» թերթը հոլանդերենով: Տարբեր առիթներով հայկական կազմակերպությունները հայերենով և հոլանդերենով հրատարակել են գրքույկներ և գեկույցներ տարբեր թեմաներով:

Մ. Հախվերդյան (Նիդերլանդներ) - 2001 թ.

Գրականություն

Սարուխան Ա., Հոլլանդան և հայերը ԺԶ-ԺԹ դարերում, Վիեննա, 1926

Արգարյան Գ., Հայագիտությունը Հոլանդիայում, «Սովետական Հայաստան» ամսագիր, համար 1, 1985, Երևան

Հովսեփյան Ա., Հոլանդիայի հայորդի լուսավորիչը, «Քնար» ամսաթերթ, համար 14, 1985, Հաազա

Հայտարարություն Ամստերդամի հայոց եկեղեցու շենքի գմնան մասին, «Քնար» ամսաթերթ, համար 29, մարտ 1987, Հաազա

Հայոց տառապանքները Թուրքիայում, «Քնար» ամսաթերթ, համար 7, ապրիլ 1985, Հաազա
Հուշաքար հայ զինվորների հիշատակին, «Քնար» ամսաթերթ, համար 20, մայիս 1986,
Հաազա

F.A.M. Buisman, “Amsterdam en de verbreiding van de Armeense Boekdrukkunst”, Amsterdam 1989

S. van Rooy, “Armenian merchant habits as mirrored in the seventeenth and eighteenth century in Amsterdam”, Revue des Études Arméniennes, No. 3, 1966, Paris

B. Demirdjian, “Met vallen en opstaan”, Amsterdam, 1983